

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савет*

## **ZAKLJUČAK**

**po Prijavi koncentracije  
privrednog subjekta Agromarket d.o.o. Kragujevac**

**Sarajevo  
maj, 2021. godine**



Broj: UP-03-26-1-033-19/20  
Sarajevo, 31.05.2021. godine

Konkurencijsko vijeće Bosne i Hercegovine, na osnovu člana 25. stav (1) tačka e) i člana 42. stav (2), a u vezi sa čl. 12, 14. i 16. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po prijavi privrednog subjekta Agromarket d.o.o. Kragujevac, Kragujevačkog bataljona 235/2, 34 000 Kragujevac, Republika Srbija, zaprimljenoj dana 04.11.2020. godine godine, pod brojem: UP-03-26-1-033-1/20, na 88. (osamdesetosmoj) sjednici održanoj dana 31.05.2021. godine, donijelo je

## **Z A K L J U Č A K**

1. Odbacuje se Prijava koncentracije privrednog subjekta Agromarket d.o.o. Kragujevac, Kragujevačkog bataljona 235/2, 34 000 Kragujevac, Republika Srbija, radi nepostojanja obaveze prijave koncentracije u smislu člana 14. Zakona o konkurenciji.
2. Obavezuje se privredni subjekt Agromarket d.o.o. Kragujevac, Kragujevačkog bataljona 235/2, 34 000 Kragujevac, Republika Srbija da plati administrativnu taksu na zaključak u iznosu od 1.000,00 KM u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

## **O b r a z l o ž e n j e**

Konkurencijsko vijeće je zaprimilo pod brojem: UP-03-26-1-033-1/20 dana 04.11.2020. godine, Prijavu koncentracije privrednog subjekta Agromarket d.o.o. Kragujevac, Kragujevačkog bataljona 235/2, 34 000 Kragujevac, Republika Srbija (u daljem tekstu: Agromarket ili Podnosilac prijave) kojom isti namjerava steći pojedinačnu kontrolu nad privrednim subjektom Galenika Fitofarmacija a.d., Batajnički drum bb, Zemun (u daljem tekstu: Galenika Fito ili ciljano društvo).

Uvidom u zaprimljenu Prijavu i priloge uz istu Konkurencijsko vijeće je utvrdilo da dostavljeno treba dopuniti te je u tom smislu dana 23.11.2020. godine aktom broj: UP-03-26-1-033-2/20 uputilo Zahtjev za dopunom Prijave koncentracije, a zatim naknadno dana 12.01.2021. godine aktom broj: UP-03-26-1-033-7/20, dana 03.02.2021. godine aktom broj: UP-03-26-1-033-9/20, dana 10.03.2021. godine aktom broj: UP-03-26-1-033-11/20, dana 29.03.2021. godine aktom broj: UP-03-26-1-033-13/20 te dana 07.04.2021. godine aktom broj: UP-03-26-1-033-15/20.

Podnosilac prijave se zahtjevom za produženje roka za dostavu tražne dokumentacije obratio putem e-maila dana 01.12.2020. godine podneskom koji je zaprimljen pod brojem: UP-03-26-1-033-3/20 koje je Konkurencijsko vijeće odobrilo dana 03.12.2020. godine aktom broj: UP-03-26-1-033-4/20.

Putem e-maila je dana 03.12.2020. godine podneskom koji je zaprimljen pod brojem: UP-03-26-1-033-5/20 Podnosilac je dostavio punomoć za zastupanje u Bosni i Hercegovini.

Podnosilac prijave je dopunu Prijave dostavio dana 07.12.2020. godine, dana 28.01.2021. godine, dana 18.02.2021. godine, dana 24.03.2021. godine, dana 06.04.2021. godine te dana 14.04.2021. godine podnescima koji su zaprimljeni pod brojevima: UP-03-26-1-033-6/20, UP-03-26-1-033-8/20, UP-03-26-1-033-10/20, UP-03-26-1-033-12/20, UP-03-26-1-033-14/20 i UP-03-26-1-033-16/20.

Nakon analize dokumentacije koju je dostavio Podnosilac prijave, Konkurencijsko vijeće je dana 31.05.2021. godine pod brojem: UP-03-26-1-033-17/20, izdalo Potvrdu o prijemu kompletne i uredne prijave, u smislu člana 30. stav (3) Zakona.

Konkurencijsko vijeće iz analizom Prijave je utvrdilo sljedeće činjenice:

Prijava nije podnesena u Zakonom propisanom roku u smislu člana 16. stav (1) Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon) obzirom da je pravni osnov predmetne koncentracije „Ugovor o kupoprodaji i prijenosu udjela“, potpisan dana 25. decembra 2019. godine.

Podnosilac prijave je naveo, u smislu odredbi člana 30. stav (2) Zakona. da je koncentracija prijavljena nadležnim tijelima za ocjenu konkurencije Bosne i Hercegovine i Republike Srbije.

Konkurencijsko vijeće je u postupku ocjene dopuštenosti predmetne transakcije utvrdilo sljedeće činjenice:

## **1. Učesnici predmetne transakcije**

Učesnici predmete koncentracije su privredni subjekti Agromarket d.o.o. Kragujevac i Galenika Fitofarmacija a.d. Zemun.

### **1.1. Privredni subjekt Agromarket d.o.o. Kragujevac (Podnosilac prijave)**

Agromarket d.o.o. Kragujevac je registrovan u Agenciji za privredne registre Republike Srbije pod brojem: 07593252, sa registrovanom djelatnošću 4690 – nespecijalizovana trgovina na veliko. U vlasništvu je fizičkog lica (..)\*\*<sup>1</sup> sa 100% udjela u kapitalu društva.

Agromarket je proizvođač, zastupnik i distributer širokog portfelja proizvoda na tržištu Zapadnog Balkana. Prepoznatljiv je snadbjevač tržišta pesticida, sjemenske i merkantilne robe, đubriva i garden uređaja u cijelom regionu.

Pesticidi, sjemenska roba, đubriva i garden uređaji brenda Villager i AGM su osnovna baza razvoja poslovanja kompanije. Najbrže rastući portfolio kompanije je segment specijalizovanih

---

<sup>1</sup> podaci predstavljaju poslovnu tajnu u smislu člana 38. Zakona o konkurenciji

vodotopivih i tečnih đubriva pod vlastitim brendom FITOFERT. Uvedena je i bio linija, odnosno biopesticidi i fitovakcine. Agromarket je također jedan od uvoznika i prodavaca proizvoda raznih brendova vodećih svjetskih proizvođača pesticida, domaćih i inostranih selekcionih sjemenarskih kuća, proizvoda garden programa, opreme za navodnjavanje, folija za plstenike i supstrata. U okviru Agromarket grupe posluje i Fabrika za proizvodnju i formulisanje sredstava za zaštitu bilja u Bačkom Petrovcu.

Posluje preko partnera i zavisnih privrednih subjekata van Republike Srbije i to u Bosni i Hercegovini, Crnoj Gori, Sloveniji, na Kosovu i Metohiji te Rumuniji.

### **1.1.1. Povezana društva privrednog subjekta Agromarket u Bosni i Hercegovini**

Privredni subjekt Agromarket u Bosni i Hercegovini je osnivač i 100% vlasnik privrednog subjekta Agromarket d.o.o. Bijeljina, Pavlovića put 019 A, Bijeljina, koji je registrovan na Okružnom sudu u Bijeljini pod brojem: 1-6208.

Preko privrednog subjekta Agromarket d.o.o. Bijeljina Podnosilac prijave posluje kao uvoznik i distributer sredstava za zaštitu bilja, sjemenske robe, đubriva i garden uređaja.

Najveći dobavljač privrednog subjekta Agromarket d.o.o. Bijeljina je (..)\*\*\*, dok su pored istog u periodu 2018-2019 bili još i privredni subjekti (..)\*\*.

Najveći kupci privrednog subjekta Agromarket d.o.o. Bijeljina u periodu 2018-2019 su (..)\*\*.

### **1.2. Privredni subjekt Galenika Fitofarmacija a.d. Beograd (Zemun), (Ciljno društvo)**

Privredni subjekt Galenika Fitofarmacija a.d. Zemun je registrovan u Agenciji za privredne registre Republike Srbije pod brojem: 07725531, sa registrovanom djelatnošću 2020 – proizvodnja pesticida i hemikalija za poljoprivredu.

U vlasništvu je velikog broja disperzovanih akcionara i pod zajedničkom kontrolom i upravljanjem većeg broja fizičkih i pravnih lica koji upravljaju sa ukupno 2.640.000 izdatih običnih akcija.

Proizvođač je, odnosno formulator sredstava za zaštitu bilja na bazi generičkih aktivnih materija visokog kvaliteta u Republici Srbiji od 1955. godine. Njen primarni cilj je snadbijevanje domaćih agrarnih proizvođača kvalitetnim i bezbjednim sredstvima za zaštitu bilja, kao unaprijeđenje poslovanja u skladu sa najvišim standardima tehničko-tehnološkog razvoja i zahtjeva savremen proizvodnje. Privredni subjekt Galenika Fito je do 1997. godine bila u sastavu Galenika Holdinga kada je izvršeno izdvajanje u nezavisno pravno lice u društvenom vlasništvu. Od 1999. godine je u privatnom vlasništvu disperzovanog broja malih akcionara, a akcije su u slobodnoj trgovini na Beogradskoj berzi od 2001. godine.

Osnovna djelatnost i poslovanje Galenika Fito jeste proizvodnja sredstava za zaštitu bilja i to insekticida, herbicida, fungicida, biocidnih proizvoda i ađuvanata. Pored navedenog, Ciljano društvo obavlja i poslovanja prerade zamrznutog voća (pretežno maline) te proizvodnju merkantilnih poljoprivrednog proizvoda.

Najveći kupci Ciljanog društva u periodu 2018-2019 su (..)\*\*.

### **1.2.1. Povezana društva privrednog subjekta Galenika Fitofarmacija u BiH**

Privredni subjekt Galenika Fito nema povezanih privrednih subjekata u Bosni i Hercegovini.

## **2. Pravni osnov i oblik predmetne transakcije**

Koncentracija se odnosi na sticanje pojedinačne kontrole od strane privrednog subjekta Agromarket nad privrednim subjektom Galenika Fito putem davanja javne ponude i otkupa akcija od malih akcionara. Agromarket je najprije trgovao akcijama Ciljanog društva tako što je krajem 2019. godine u četiri odvojene transakcije sproveo i registrovao kupovinu i prenos 90.771 akcija, na način da je stekao 59,16% akcijskog kapitala u Ciljanom društvu.

Na zahtjev Konkurencijskog vijeća da Podnosilac prijave objasni kojeg je datuma tačno Agromarket stekao većinski paket dionica (50+1 dionicu) privrednog subjekta Galenika fitofarmacija Podnosilac prijave je dostavio odgovor u kojem se navodi da se isto realizovao dana 12.11.2019. godine na Beogradskoj berzi. Predmetne akcije saldirane su od strane Centralnog registra, depo i kliring HOV dana 14.11.2019. godine.

Podnosilac prijave je u više odvojenih javnih postupaka sticao akcije Ciljanog društva pri čemu nije imao kontrolu usljed velike disperzije malih akcionara do zaključenja posljednje transakcije.

Sa saldiranjem predmetnih akcija dana 14.11.2019. godine Podnosilac prijave smatra da je stekao pojedinačnu kontrolu nad Ciljanim društvom i obavezu prijave koncentracije. Također stekao je obavezu objavljivanja ponude za preuzimanje preostalih akcija Ciljanog društva. Ponuda za preuzimanje je završena i saldirana dana 30.12.2019. godine čime je Podnosilac prijave stekao dodatnih 23,79% i povećao ukupno učešće u akcijskom kapitalu Ciljanog društva na 82,96%

Pravni oblik koncentracije predstavlja sticanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to sticanjem većine udjela osnovnog kapitala, u smislu člana 12. stav (1) tačka b) pod 1) Zakona.

## **3. Relevantno tržište predmetne koncentracije**

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnom tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebice njihove bitne osobine, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Shodno dostavljenim podacima Konkurencijsko vijeće je utvrdilo da su relevantna tržišta predmetne koncentracije tržište veleprodaje sredstava za zaštitu i prehranu bilja i tržište maloprodaje sredstava za zaštitu i prehranu bilja.

Relevantno tržište u geografskom smislu je tržište Bosne i Hercegovine. Prema navodima Podnosioca prijave poslovanje Podnosioca prijave se odvija kroz tri distributivna centra u Bijeljini, Banja Luci i Sarajevu dok Ciljano društvo nema sopstvenu distributivnu mrežu.

Slijedom navedenog Konkurencijsko vijeće je utvrdilo da je relevantno tržište predmetne koncentracije tržište veleprodaje sredstava za zaštitu i prehranu bilja i tržište maloprodaje sredstava za zaštitu i prehranu bilja u Bosni i Hercegovini.

Cilj koncentracije je da se kroz postojeći distributivni sistem Agromarketa d.o.o. Bijeljina na tržištu u Bosni i Hercegovini plasiraju i proizvodi privrednog subjekta Galenika Fito.

Pregled tržišta veleprodaje sredstava za zaštitu bilja na tržištu Bosne i Hercegovine u 2018. godini dat je u Tabeli 1:

Tabela 1.

<b>Tržište <u>vleprodaje</u> sredstava za zaštitu bilja na tržištu Bosne i Hercegovine 2018. godina</b>		
<b>Redni broj</b>	<b>Privredni subjekt</b>	<b>Tržišni udio %</b>
1.	(..)**	(..)**
2.	(..)**	(..)**
3.	(..)**	(..)**
4.	(..)**	(..)**
5.	(..)**	(..)**
	..	(..)**
<b>6.</b>	(..)**	(..)**
	<b>Ukupno</b>	<b>100</b>

Izvor: podaci iz prijave i dopune Prijave

Privredni subjekt Agromarket d.o.o. Bijeljina je ostvario tržišni udio između (..)\*\*%, međutim učesnik koncentracije Agromarket d.o.o. Kragujevac je u 2018. godini ostvario tržišni udio od (..)\*\*% i to u cijelosti putem povezanog lica putem Agromarket d.o.o. Bijeljina.

Učesnik predmetne koncentracije Galenika Fito je na tržištu veleprodaje sredstava za zaštitu bilja putem plasiranja svojih proizvoda (obzirom da nema povezanih privrednih subjekata već se proizvodi ovog privrednog subjekta nalaze u prometu na veliko preko registrovanih privrednih subjekata za tu djelatnost) u 2018. godini u Bosni i Hercegovini ostvario udio od (..)\*\*% od čega preko (..)\*\*(..)\*\*%, a (..)\*\*% putem (..)\*\*.

Po pitanju tržišnih udjela na tržištu veleprodaje sredstava za zaštitu bilja u 2019. godini Agromarket d.o.o. Bijeljina je ostvario tržišni udio između (..)\*\*%, dok je tržišni udio Galenika Fito procjenjen na (..)\*\*%.

Posmatrajući tržište maloprodaje sredstava za zaštitu bilja u Bosni Hercegovini u 2018. godini tržišni udio privrednog subjekta Agromarket d.o.o. Bijeljina iznosio je između (..)\*\*% (Tabela 2):

Tabela 2.

Tržište <u>maloprodaje</u> sredstava za zaštitu bilja na tržištu Bosne i Hercegovine 2018. godina		
Redni broj	Privredni subjekt	Tržišni udio %
1.	(..)**	(..)**
2.	(..)**	(..)**
3.	(..)**	(..)**
4.	(..)**	(..)**
5.	(..)**	(..)**
	..	(..)**
	<b>Ukupno</b>	<b>100</b>

Izvor: podaci iz prijave i dopune Prijave

Učesnik koncentracije Agromarket d.o.o. Kragujevac je u 2018. godini u Bosni i Hercegovini ostvario tržišni udio od (..)\*\*%, i to u cijelosti putem povezanog privrednog subjekta Agromarket d.o.o. Bijeljina.

Tržišni udio Galenika Fito putem plasiranja svojih proizvoda na tržištu maloprodaje sredstava za zaštitu bilja u 2018. godini je procenjen na (..)\*\*% od čega putem privrednog subjekta (..)\*\*(..)\*\*%, a putem (..)\*\*(..)\*\*%.

Po pitanju tržišnih udjela na tržištu maloprodaje sredstava za zaštitu bilja u 2019. godini Agromarket d.o.o. Bijeljina je ostvario tržišni udio između (..)\*\*%, dok je tržišni udio Galenika Fito procenjen na (..)\*\*%.

#### 4. Obaveza prijave koncentracije

Ukupni godišnji prihodi privrednih subjekata učesnika koncentracije i povezanih društava, na dan 31. decembra 2018. godine:

Tabela 3.

Ukupan godišnji prihod 2018 (KM)		
	Agromarket	Galenika Fito
<b>BiH</b>	(..)**	(..)**
<b>Svijet</b>	(..)**	(..)**

\*prema dopuni Podnosioca prijave od 24.03.2021. godine ukupan godišnji prihod je (..)\*\* KM

Prema dopuni Prijave od 24.03.2021. godine strukturu ukupnog godišnjeg prihoda Galenika Fito čine prihodi ostvareni putem privrednih subjekata (..)\*\* – (..)\*\*KM i (..)\*\* (..)\*\*KM. Prihod je ostvaren prodajom sredstava za zaštitu bilja, sjemenske i ostale robe.

Prema odredbi člana 14. stav (1) Zakona o konkurenciji namjeravanu koncentraciju privrednih subjekata, iz člana 12. stav (1) Zakona o konkurenciji, učesnici koncentracije su obavezni prijaviti, i to kada su ispunjeni sljedeći uslovi:

- a) da ukupni godišnji prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i

- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40%

Uslov ukupnog godišnjeg prihoda svih učesnika predmetne koncentracije ostvaren prodajom roba i /ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji, konkretno u 2018. godini, je ispunjen ali nije ispunjen uslov po kojem ukupan godišnjeg prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000 KM. Isto tako, analizom podataka koji se odnose na tržišne udjele učesnika koncentracije proizilazi sa njihovo zajedničko učešće na relevantnom tržištu nije veće od 40%.

Slijedom navedenog proizilazi da predmetna koncentracija ne podliježe obavezi prijave, u skladu sa odredbom člana 14. stav (1) Zakona.

## **5. Administrativna taksa**

Podnosilac prijave na ovaj Zaključak, u skladu sa članom 2. Tarifni broj 108. tačka d) Odluke o administrativnim taksama u vezi s procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

Podnosilac prijave je dužan dokaz o obavljenoj uplati administrativne takse dostaviti prije ili prilikom preuzimanja ovog zaključka, u skladu sa članom 3. st. (1) i (2) pod b) Odluke o visini administrativnih taksu u vezi sa procesnim radnjama pred Konkurencijskim vijećem.

U slučaju da Podnosilac prijave ne izvrši uplatu administrativne takse, Konkurencijsko vijeće će putem Pravobranilaštva Bosne i Hercegovine zatražiti prisilnu naplatu iste.

## **6. Pouka o pravnom lijeku**

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

**Predsjednik**

**dr. Stjepo Pranjić**